

Grupo di baile Mangusa ta celebra su prome aniversario

ORANJESTAD(AAN)- Antepasadonan a desarolla, den tempo di cuaresma, cual tabata un tempo dificil, un cuminda criollo, cu nan a yama Mangusa, cu tabata contene diferente ingredientenan facil pa obtene, facil pa prepara y di bon smaak. Ademas e tabata saludable. E ingredientenan ta principalmente berdura y boonchi di nos propio suelo.

E grupo di baile folklor "Mangusa" a introduci su mes den e bida cultural di Aruba dia 13 di October 1987, durante bon bini festival den Fort Zoutman.

Sr. Mario Albus a sa di lanza y desarolla e grupo di baile folklor aki. E ingredientenan cu e ta uza ta folklor Arubano, Antillano, Caribense y Latino. E bailarinnan tur tin hopi experiencia den e ramo aki, lo cual ta haci facil pa prepara e bunita coreografianan cu tur su elegancia y clase. E trahenan, por cierto tambe diseña door di Mario Albus, ta duna e baile e harmonia total.

E bailarinnan di e grupo Mangusa ta: Mario Albus, alavez coreografo, director di grupo y diseñador: Tirzah Arends, Ethline Tromp, Marga Cheung, Mary Hsing, Magaly Croes, Nico Luydens y Enrique Peter-

son.

Desde su tremendo debut e grupo di baile a worde invita pa actua na diferente actividadnan social, cultural, e.o. nan a duna actuacion na: ocasion di bishita di Parlamentarionan Hulandes na Casa del Mar; celebracion 18 di Maart; International Convention di Rotary na Aruba; In-

ternational Convention di YMCA na Aruba; International Bowling Tournament na Aruba; Celebracion jubileo di Frerenan di La Salle; e hotelnan Golden Tulip, Surf-side, Bushiri y recientemente na Expo-Antil '88. E grupo di baile Mangusa ta regularmente invitado di bon bini Festival.

Tambe dos miembro di e grupo di baile Mangusa pa medio di Aruba Tourist Authority a haya e oportunidad pa baila na San Francisco, U.S.A. durante Caribbean Week, cual tabata un promocion turistico pa Aruba, na April 1988.

Pa medio di esaki Grupo di

baile Mangusa kier a gradici un y tur cu desde un principio a sa di dunanan e acojida y apoyo necesario. Especialmente na e pueblo Arubano un danki sincero. Alavez kier a invita un y tur pa dia 25 di October pa celebra hunto cu nan den Bon Bini Festival. Cultura ta tesoro di un pais. Mangusa ta cultura.